



## Universitätsbibliothek Paderborn

**Iacobi Llobetii Leodiensis E Societate Iesv. Specvlvm  
Ecclesiasticorvm, Ac Religiosorvm.**

**Llobet de Lanthin, Jacques**

**Leodii, 1640**

3. Officium boni Pastoris. Oues potius amet, quam vellus.

[urn:nbn:de:hbz:466:1-47105](#)

Pastores, & canes; & muti redduntur ut boues. Longè aliter boni Præfules, vigilant illi, inquit D. Bernardus, super gregem propter tria. *Videlicet ad disciplinam, ad custodiam, ad preces: ad disciplinam, propter morum correctionem; ad custodiam, propter diabolicam suggestionem; ad preces, propter tentacionis instantiam.* In disciplinâ rigor est iustitiae, in custodiâ spiritus consilij, in prece affectus compassionis.

### III. OFFICIVM BONI PASTORIS.

Oves potius amet, quam vellus.

**P**Io Præfuli, ac Pastorí hæc cœlo scripta lex est. Oves impensius amet quām vellus: animas querat, ac venetur, non honorum titulos, & dignitatis insignia: ut enim disertè D. Bernardus. *Sollitudo officium Prælati est, non celitudo.* Sed proh dolor! hoc quo viuimus æuo quamplurimi celitudinem ambiunt, & operosè querunt, sollicitudinem admittunt omnino pauci, fugiunt plerique omnes. Huiusc meæ assertionis authorem habeo, ac defensorem Bernardum, cuius eloquentiâ in primis delector.

*Non omnes, inquit, sunt amici sponsi, quos hodie sponsæ hinc inde assistere cernis. Rationem porro hanc subiicit: quia pauci admodum sunt, qui non quæ sua sunt, querant ex omnibus caris eius. Diligunt munera, nec possunt pariter diligere Christum, quia manus dederunt Mammonæ. Intuere quomodo incep-*

Ttt 3

dant

Serm.77. dant nitidi, *¶* ornati, circumamicti vanitatibus,  
in cant.

*¶* tanquam sponsa procedens de thalamo suo. Nonne si  
quempiam talium repente eminus procedentem aspe-  
xeris, sponsam potius putas, quam sponsæ custodem?  
Vnde vero hanc illis exuberare existimas rerum af-  
fluentiam, vestium splendorem, mensarum luxuriam,  
congeriem vasorum argenteorum, *¶* aureorum, nisi  
de bonis sponsæ? Inde est quod illa pauper, *¶* inops,  
*¶* nuda relinquitur, facie miseranda, incultâ, hispi-  
dâ, exangui. Propter hoc non est hoc tempore ornare  
sponsam, sed spoliare, non est custodire, sed perdere,  
non est instituere, sed prostituere, non est pascere gre-  
gem, sed mactare, *¶* deuorare, dicente de illis Domi-  
no. Qui deuorant plebem meam ut cibum panis.  
Quem dabis mihi de numero Prælatorum, qui non  
plus inuigilat subditorum vacuandis marsupijs, quam  
vitijs extirpandi? ubi qui orando flectat iram?  
qui predicit annum placabilem Domino. O utinam  
tam vigiles reperirentur ad curam, quam alacres  
currunt ad cathedram. Optandum illud quidem:  
at à multis vix sperandum: sunt enim etiam sub  
hoc quo spiramus cœlo similes Pastoribus Israëlis,  
quibus Propheta intentat mœstum ac formido-  
losum illud.

*Vae Pastoribus Israël, qui pascebant semetiposos:*  
nonne greges à Pastoribus pascuntur? lac comedebas-  
tis, *¶* lanis operiebamini, gregem autem meum non  
pasce.

*pascebatis. Quod tamen ex æquo, bonoque opor-*  
*tuit: quis enim benè sensatus non oderit illud ac*  
*deploret, vt se ipse farciat, ac saginiet Pastor, dum in-*  
*terim inediā tabescunt, ac malè pereunt oues, vel-*  
*lusque Pastori cedunt; imò & carnem, & ani-*  
*mam fœdè prodigunt, vt ei sit quām lautissimè.*  
*Digna certè lacrymis ea miseria, curæque præpo-*  
*steræ, in quas proinde seuerè olim animaduertit*  
*Seruator optimus, cæteroquin mortalium om-*  
*nium mitissimus.*

Animo, ac cogitatione recolite, quo olim vultu,  
quo pede in templum venerit Christus; fecit ille si-  
bi flagellum de funiculis, eiecitque vendentes, &  
ementes de templo, & nummulariorum officinas  
euertit, æisque male partum dissipauit.

Hic dubium mouet D. Hieronymus, cur in hos  
adeò seuerus Saluator, qui in alios peccatores mi-  
tissimus? huic quæstioni facit satis, dum ait; illos  
fuisse Sacerdotes ac Doctores legis, quorum cathe-  
dras euertit; quia per illa mercimonia, specie qui-  
dem pietatis ac religionis plus infudabant lucris,  
quām sacrificijs, nec tam immortali Deo victimas  
parabant, quām importunam auaro marsupio sar-  
cina, & pondus æris male accumulatum.

Non sic verus Pastor, ouibus ille suis, non sibi  
studet, animis inhiat, non fortunis: similis Abra-  
hamo, qui a prælio redux, & victor, non opima  
spolia, non prædas expetijt: sed animas.

520 SPECVLVM ECCLESIASTICORVM,

Da mihi, inquit olim Heros fortissimus, *da*  
*mibi animas, cætera tolle tibi:* sint licet multæ, &  
diuites hostium exuuiæ, sint opulenta castrorum  
spolia, sit quantumuis ingens auri pondus, sit ab ex-  
tremo orbe petita gemmarum vis, & copia; sint  
greges, & armenta, primorum sœculorum, opes ac  
diuitiæ: sint vrbium, & regnum, imò etiam  
vniuersi si voles thesauri, gazæque: meâ nihil inter-  
est, ista nec amo, nec ambio; animas volo, & qua-  
ro, illas mihi concede, cætera, per me licet, tolle  
tibi, & serua.

Quod olim sensit, & dixit magnarum gentium  
pater Abrahamus, hoc in se ipse sentire & palam  
eloqui debet bonus Pastor; hæc vita, hæc voces, ô  
cœlum, ô terra, ô mundo, da mihi animas, cætera  
tollet tibi: mihi certè plus satis immortales animas,  
superis, ac beatitudinatis Deo, ac Domino seruare:  
cætera ut pereant, parum, aut nihil omnino refert,  
modo cœlo reddatur animæ, quas curæ meæ Pasto-  
rali supremus omnium Pastor cōmittendas putavit.

IV. OFFICIVM BONI PASTORIS.

*Omnibus omnia factus, ut omnes*  
*saluos faciat.*

**I**Ta de se ipse quondam Apostolus, & Doctor  
*1. Cor. 9. 2. 22. Ep. 9. & 19.* Gentium Paulus: *omnibus omnia factus sum, ut*  
*omnes facerem saluos.* Non mentiendo, inquit Au-  
gustinus, sed compatiendo, non simulantis astu, sed  
commi-